

SAMOA

Faatulagaina o Aiaiga

IGOA

1. Igoa puupuu ma le amataga
2. Faamatalaina o uiga o upu

**VAEGA 1
FAATUINA**

3. Faatuina o le Iunivesite Faafomai
4. Tuufaatasia faaletulafono
5. Saolotoga i aoaoga tau tomai
6. Pulega
7. O le Faauluuluga o le Iunivesite

**VAEGA II
MALOSIAGA MA GALUEGA
TAUAVE A LE IUNIVESITE**

8. Galuega tauave a le Iunivesite
9. Malosiaga a le Iunivesite

**VAEGA III
FONO A LE IUNIVESITE**

10. Fono a le Iunivesite
11. Noataga tau le tagata

12. Galuega tauave a le Fono a le Iunivesite
13. Tiute tauave o le Fono
14. Malosiaga o le Fono a le Iunivesite
15. Faapipiina o le Faamau-faailoga a le Iunivesite
16. Tuuina atu o malosiaga e le Fono
17. Tulafono

**VAEGA IV
TUSI TOMUA**

18. Tusi tomua mo le Iunivesite
19. Manaoga mo le tusi tomua
20. Ia avanoa le tusi tomua mo le suesueina

**VAEGA V
FAAMATALAGA TAU TUPE**

21. Teugatupe i Faletupe
22. Ia tausia faamatalaga tatau o tupe
23. Lipoti Faaletausaga
24. Ia avanoa le lipoti faaletausaga mo le suesueina

2002, Nu. 2**O SE TULAFONO e faatuina ai le Iunivesite Faafomai i le
Pasefika (Samoa).** *[29 Ianuari 2002]*

UA FAIA e le Fono Aoaofaitulafono o Samoa i totonu o le
Palemene ua potopoto e faapea:-

IGOA

1. Igoa puupuu ma le amataga-(1) E mafai ona taua
lenei Tulafono o le Tulafono o le Iunivesite Faafomai i le
Pasefika (Samoa) 2002.

(2) O lenei Tulafono o le amata faamamaluina i le aso 1 o
Ianuari 2002.

2. Faamatalaina o uiga o upu-(1) I totonu o lenei
Tulafono, ae vagana ai ua manaomia e le mataupu se isi
faaupuga e ese mai ai:

“Tusi Tomua” o lona uiga o le Tusi Tomua o le Iunivesite
ua saunia ma faamaonia i lalo o le Vaega IV:

“Ofisa Sili tau Pulega” o lona uiga o le tagata ua tofia e le
Fono a le Iunivesite i lalo o le fuaiupu 12, o ia lea e
mafai foi ona taua o le Faauluuluga Lagolago o le
Iunivesite:

“Fono” o lona uiga o le Fono a le Iunivesite ua tuufaatasia
i lalo o le fuaiupu 10:

“Tausaga faaleaoaoga” o lona uiga o le vaitaimi e
sefululua masina (12) e amata mai i le aso 1 o
Ianuari i so o se tausaga, ma faaiuina i le aso 31 o
Tesema o lea lava tausaga:

“Tulafono” o lona uiga so o se tulafono ua faia i lalo o le
fuaiupu 17:

“Iunivesite” o lona uiga o le Iunivesite Faafomai i le
Pasefika (Samoa) ua faatuina i lenei Tulafono:

(2) I totonu o lenei Tulafono, o se faasinomaga i se tagata o lo o umia se tofi i totonu o le Iunivesite e tatau ona faitauina e faapea o lo o aofia ai se faasinomaga i se tagata o lo o tauaveina tiute o lena tofi i lena taimi.

(3) I totonu o lenei Tulafono, o se faasinomaga i se galuega tauave e aofia ai se faasinomaga i se malosiaga, pule ma tiute tauave.

VAEGA 1

FAATUINA

3. Faatuina o le Iunivesite Faafomai-(1) O le a faatuina nei le Iunivesite Faafomai i le Pasefika (Samoa) o lona nofoaga autu o Samoa ma e faafoe atu i Samoa.

(2) O le Iunivesite o se iunivesite faapitoa i suesuega, aoaoga ma sailiiliga i galuega faafomai ma le tausiga o le soifua maloloina i ona vaega eseese e aofia ai galuega faafomai, galuega tau nifo ma galuega faatausimai.

4. Tuufaatasia faaletulafono-(1) O le Iunivesite Faafomai i le Pasefika o se faalapotopotoga tuufaatasia faaletulafono ua i ai le faaauauina pea ma se faamaufaailoga, ma e tatau ona agavaa e osia ni feagaiga, o le mauaina mai, umia ma le faamatuu atu o ni meatotino mautu ma tau le tagata lava ia, lona tuuina atu ma le molia o ia i le faamasinoga ma le faia o isi tulaga uma e pei ona faia e faalapotopotoga uma ua tuufaatasia faaletulafono.

5. Saolotoga i aoaoga tau tomiai-(1) I le faia o lenei tulafono ua faaalua manino ai le faamoemoega o le Palemene e faapea o le saolotoga i aoaoga tau tomiai o le Iunivesite ma le tulaga saoloto o le Iunivesite o le a puipuia.

(2) Mo le faamoemoe o lenei fuaiupu, “saolotoga i aoaoga tau tomiai” e faasino i le Iunivesite o lona uiga -

(a) Le saolotoga o le afaigaluega tau tomiai ma tagata aoga, e tusa ai ma le tulafono e fesiligia ma toe suesue le poto ua maua, le tuuina atu o ni manatu

fou ma le faamatalaina o ni mataupu o lo o i ai ni feeseeseaiga po o ni manatu le talia gofie;

- (b) Le saolotoga o le afaigaluega tau tomai ma tagata aoga e auai ai i ni suesuega;
 - (c) Le saolotoga o le Iunivesite ma le afaigaluega tau tomai e faatonutonu ai manatu autu o vaega eseese i galuega faafomai, galuega tau nifo ma galuega faatausimai o lo o aoaoina i le Iunivesite;
 - (d) Le saolotoga o le Iunivesite ma le afaigaluega e aoao atu ma faatulaga tagata aoga i se faiga e pei ona ia manatu ai e sili ona lelei e uunaia ai le aoaoina o mataupu;
 - (e) Le saolotoga o le Aoga e auala atu i lona Ofisa Sili tau Pulega e tofia ai ana tagata faigaluega.
- (3) I le faatinoina o ona saolotoga o aoaoga tau tomai ma lona tu saoloto, e tatau i le Iunivesite ona galue i se tulaga talafeagai ma le manaoga mo le tausia o amio taualoa aupito maualuga ma le tatau ona faatagaina le mataitu ma le fesiligia, ina ia mautinoa le tausia o ia tulaga.

6. Pulega – O le pulega o le Iunivesite e i ai lea i le Fono a le Iunivesite ma o tulafono uma po o mea ua faia i lalo o le igoa o, pe e avea ai ma sui o le Iunivesite faatasi ai ma le pule a, po o sui o le, o le Fono a le Iunivesite po o le Ofisa Sili tau Pulega (i lalo o le pule a le Fono) o le a avea e faapea ua faia e le Iunivesite.

7. O le Faauluuluga o le Iunivesite-(1) E tatau ona tofia le Faauluuluga o le Iunivesite e le Fono ina ua maea feutanaiga ma le Palemia.

(2) I lona avea ai ma Faauluuluga o le Iunivesite, o le a avea ma matafaioi a le Faauluuluga o le Iunivesite le faaecina atu o tikeri, tipiloma, faailoga ma nisi lava tusi faamaonia o le tulaga taualoa i tagata, o i latou ia ua faaiuina ma le manuia a latou aoaoga i le Iunivesite.

VAEGA II
MALOSIAGA MA GALUEGA TAUAVE A LE
IUNIVESITE

8. Galuega tauave a le Iunivesite – O galuega tauave a le Iunivesite e faapea -

- (a) Le faatuina o se nofoaga tutotonu tulaga maoae mo suesuega, aoaoga ma sailiiliga i mataupu faafomai, ma le tausiga o le soifua maloloina i ona matata eseese e aofia ai galuega faafomai, galuega tau nifo ma galuega faatausimai;
- (b) Le mauaina mai ma le tuuina atu o tomai tau fomai ma le tausiga o le soifua maloloina e ala i aoaoga, suesuega ma faiga faafaufautua;
- (c) Le uunaia o tulaga tutoatasi tau le atamai;
- (d) Le faataunuaina o sini ma taiala autu o le Iunivesite e pei ona faatulagaina i totonu o le Tusi Tomua.

9. Malosiaga a le Iunivesite-(1) E i le Iunivesite le -

- (a) Aia tatau, malosiaga, ma tulaga aloaia o se tagata moni; ma
- (b) Malosiaga e tuuina atu ai pepa aitalafu faaletulafono; ma
- (c) Malosiaga e tuuina atu ai ni tau fesoloai o ni galuega a le Iunivesite po o meatotino, po o so o se isi mea; ma
- (d) Malosiaga e faia ai so o se isi lava mea ua faatagaina le faia e lenei Tulafono, so o se isi lava tulafono, po o so o se isi pulega o tulafono.

VAEGA III
FONO A LE IUNIVESITE

10. Fono a le Iunivesite-(1) O le Faavae, le tuufaatasiga ma isi tuutuuga uma mo le Fono a le Iunivesite e tatau ona faatonu e le Komiti Faatino o le Kamupani a le Kolisi Faafomai i le Pasefika, o se kamupani ua tuufaatasia faaletulafono i totonu o Samoa.

(2) E tatau i le Komiti Faatino a le Kamupani o le Kolisi Faafomai i le Pasefika ona tuuina mai se Faavae mo le Fono a le Iunivesite i totonu o le tolu (3) masina mai le aso e faamamaluina ai lenei Tulafono.

(3) Ao lumanai le tuuina mai o se Faavae mo le Fono a le Iunivesite e tatau i le Komiti Faatino a le Kamupani o le Kolisi Faafomai i le Pasefika ona faatagaina ni tagata e faagaoioia ma faafoe mataupu a le Iunivesite seia maea ona iloiloina se Faavae ma faatuina se Fono a le Iunivesite e tusa ai o lena Faavae.

(4) E tatau i le Komiti Faatino a le Kamupani o le Kolisi Faafomai i le Pasefika i le tuuina mai o se faavae mo le Fono a le Iunivesite ona i ai le malosiaga e faatonu ai -

- (a) Sui auai o le Fono;
- (b) Le umi o le tofi, avanoa le tumau ma le tuua o le tofi o le avea ai ma sui auai o le Fono;
- (c) O taualumaga ma faiga o fonotaga a le Fono;
- (d) Le tologiina o tologifuapauina, alauni ma so o se isi faamanuiaga i sui auai o le fono;
- (e) O vaega manaomia mo le avea ai ma sui auai o le fono; ma
- (f) Isi uma ma so o se isi mataupu talafeagai ma le Faavae o le Fono.

(5) So o se mataupu e aafia ai pe faaono aafia ai manaoga o le Malo e faasino i le Fono a le Iunivesite o le a avea lea ma mataupu e soalaupule ma le Palemia.

(6) E tatau ona tuuina atu i le Palemia so o se teuteuga i le faavae, sui auai o le Fono a le Iunivesite ma so o se isi lava mataupu e faasino i le Fono a le Iunivesite e aunoa ma le faatali.

11. Noataga tau le tagata – E le tatau ona noatia se sui auai o le Fono a le Iunivesite mo so o se gaoioiga ua faia po o ua le faia e le sui auai po o le Fono -

- (a) I le lotolelei; ma
- (b) Ua tusa ai po ua faamoemoe ina ia tusa ai ma galuega tauave a le Iunivesite po o le Fono a le Iunivesite.

12. Galuega tauave a le Fono a le Iunivesite – O galuega tauave a le Fono a le Iunivesite o -

- (a) Le tofia o se Ofisa Sili tau Pulega ma nisi lava o le aufaigaluega tumau o le Iunivesite ma tuuina atu tulaga tofi e umia e le aufaigaluega;
- (b) Le tofia o so o se tagata i so o se tulaga taualoa po o se tofiga o le Iunivesite i lalo o sea tulaga tofi ua faatonu e le Fono a le Iunivesite;
- (c) Le mautinoa o lo o pulea le Iunivesite e tusa ai ma lona tusi tomua ma le faamatalaga o ana sini autu;
- (d) Le fuafuaina o faiga faavae a le Iunivesite e faasino i le faatinoga o lana Tusi Tomua ma le tauaveina o lana faamatalaga o sini; ma
- (e) Le faafoe o mataupu a le Iunivesite e tusa ai ma faatinoga lelei tau pulega.

13. Tiute tauave o le Fono – O le tiute tauave o le Fono i le faatinoina o ana galuega tauave ma le faatinoina o ona malosiaga le -

- (a) Tausinio ina ia mautinoa le ausia e le Iunivesite le tulaga aupito i maualuga o aoga faafomai ma le tausiga o le soifua maloloina, aoaoga ma suesuega;
- (b) Ia mautinoa e faapea o faiga ua faatuina mo le tuufaatasia o, ma le mafai ona tali mai mo galuega i totonu o le Iunivesite; ma
- (c) Le mautinoa e faapea o lo o tausia tulaga talafeagai o le faamaoni, amioga ma le faatauaina o le tausia lelei o le soifua manuia o tagata aoga ma le aufaigaluega a le Iunivesite.

14. Malosiaga o le Fono a le Iunivesite-(1) Ua i ai i le Fono a le Iunivesite malosiaga uma e tatau ma talafeagai ina ia mafai ai ona faatinoina ana galuega tauave i se tulaga aupito i sili ona lelei ma malosi.

(2) Ae vagana ai pe afai o lo o faatinoina i luga o se malosiaga tuuina atu i lalo o lenei Tulafono, o malosiaga ua taua i lalo a le Iunivesite e na o le Fono o le a tataua ona faatinoina -

- (a) Le tuuina atu o mataupu o aoga faafomai, aoga tau nifo ma aoga faatausimai po o le aoga;
- (b) Le faaulufaleina o tagata aoga ma le faaeeina atu o tikeri, tipiloma, faailoga ma so o se isi tusi faamaonia o tulaga taualoa e ala atu i le Faauluuluga o le Iunivesite;
- (c) Le taliaina o meaalofa, fanua e tuuina atu faameaalofa i luga o se mavaega ma mavaega e faia i le Iunivesite pe i luga o mea tausia faamavaega po o se isi tulaga e ese mai ai;
- (d) Le malilie i so o se tuutuuga mo le faaaogaina faatasi o punaoa ma nisi Iunivesite po o faalapotopotoga pe i totonu po o fafo atu o Samoa;
- (e) Le faatulagaina mo le gaosia o ma le faasoasoina atu (pe i luga o se faatauga po o i se isi tulaga e ese mai ai) o so o se oloa po o se mea o lo o tauaveina ai se maka, faailoga po o se tusitusiga e fesootai ma le Iunivesite;
- (f) Le faatulagaina mo le tuuina atu (pe i luga o se faatauga po o i se isi tulaga e ese mai ai) o ni oloa ma galuega faatino i le afaigaluega po o tagata aoga o le Iunivesite po o isi tagata e faaaogaina po o i se tulaga e ese mai ai i le auai i nofoaga o le Iunivesite;
- (g) Le faatonuina o totogifuapauina e ao ona totogiina e tagata aoga o le Iunivesite;
- (h) Le faatuina o komiti faatino, komiti po o isi faalapotopotoga i totonu o le Iunivesite e tuuina atu fautuaga i le Fono a le Iunivesite po o le tauaveina o so o se galuega tauave e faamaoti mai e le Fono faaigoa ia komiti faatino ma komiti i igoa e faatonu e le Fono;

- (i) Le faatuina i se tulaga soofaatasi ma le Fono o so o se isi iunivesite i totonu po o fafo atu o Samoa, ia komiti faatino, po o komiti ina ia faailoa pe faaigoa i sea igoa e pei ona malilie i ai sui o le Fono e lagolago atu i le agai i luma o manaoga o iunivesite i totonu o Samoa;
 - (j) Le auai atu i so o se faalapotopotoga faava o malo a Iunivesite;
 - (k) Le faatulagaina mo tulaga e talia aloaia ai le faatagaina o le Iunivesite e tuuina atu ma aoaoina mataupu faafomai ma le tausiga o le soifua maloloina i totonu o ana matata eseese e aofia ai le galuega faafomai, galuega tau nifo ma galuega faatausimai e so o se faalapotopotoga i totonu po o i fafo atu o Samoa;
 - (l) Ia feutagai ma tagata, pulega ma faalapotopotoga o i totonu po o i fafo atu o Samoa e pei ona ua ia manatu ua talafeagai ai mo le faamoemoe o le faatinoina o so o sana galuega tauave; ma
 - (m) Le faia o so o se mea e tulai mai ona o le faatinoina o ni malosiaga e pei ona taua muamua atu.
- (3) Ua i ai i le Fono le malosiaga e tofia ai komiti e aofia ai ia tagata, pe o ni sui o le Fono pe leai, e pei ona fuafuaina e le Fono e faatino ai ia malosiaga e pei ona tuuina atu ia i latou i lalo o le fuaiupu 16 o lenei Tulafono ma o ia malosiaga e pei ona faaee atu ia i latou e tulafono sa faia e le Fono, ma ia suia, faataape ma toe faavaeina komiti sa faapea ona tofia.

15. Faapipiina o le Faamaufaailoga a le Iunivesite-(1)

E mafai e le Fono i se tusitusiga e faia i lalo o le faamaufaailoga a le Iunivesite ona faatagaina so o se sui po o sui o le Fono, Ofisa Sili tau Pulega po o so o se sui po o sui o le afaigaluega a le Iunivesite, e faia pepa aloaia, po o pepa aloaia o se vasega faapitoa po o faamatalaga, po o pepa aloaia faapitoa e aveai ma sui o le Iunivesite.

(2) I le noatia ma le fai fuafua i le faafuaiupu (6) o lenei fuaiupu, o se pule faataga i lalo o le faafuaiupu (1) o lenei fuaiupu e mafai ona tuuina atu -

- (a) E aunoa ma ni tuutuuga po o i le noatia ma le fai fuafua i so o se tuutuuga ua manatu le Fono ua talafeagai ai;
 - (b) I se sui faapitoa po o sui o le Fono po o se sui faapitoa pe o se sui o le afaigaluega a le Iunivesite;
 - (c) I se sui po o sui o le afaigaluega a le Iunivesite o se vasega faapitoa po o se faamatalaga;
 - (d) I Le o lo o umia po o e umia i lea taimi se tulaga faapitoa po o tulaga o po o i totonu o le Iunivesite; po o
 - (e) I Le o lo o umia po o e umia i lea taimi tulaga o se vasega faapitoa po o faamatalaga o po o i totonu o le Iunivesite.
- (3) O le faamaufaailoga a le Iunivesite o le a tatau ona faapipiina i so o se pepa aloaia ae vagana ai -
- (a) Ia tusa ai ma se iugafono a le Fono; po o
 - (b) E ala i le, ma ia tusa ai ma se pule faataga i lalo o le faafuaiupu (1) o lenei fuaiupu.
- (4) O le faapipiina o le faamaufaailoga a le Iunivesite e tusa ai ma se iugafono a le Fono e tatau ona i ai saina faaopopo mo le faamaoniga -
- (a) I le tulaga o le faapipiina o le faamaufaailoga i se tikeri, tipiloma, faailoga po o nisi tusi faamaonia tau i tulaga taualoa e le sui e toatasi o le Fono; po o
 - (b) I so o se isi tulaga e saina e le itiiti ifo i le toalua sui o le Fono.
- (5) O le faapipiina o le faamaufaailoga a le Iunivesite e tusa ai ma se pule faataga i lalo o le faafuaiupu (1) o lenei fuaiupu e tatau ona i ai saina faaopopo mo le faamaoniga e tusa ai ma le pule faataga.
- (6) O se pule faataga i lalo o le faafuaiupu (1) o lenei fuaiupu o le a tuuina atu ai mo le faapipiina o le faamaufaailoga a le Iunivesite ina ia saina faaopopo e le itiiti ifo e le toalua tagata.

(7) O le faapipiina o le faamaufaaailoga a le Iunivesite i luga o se pepa aloaia ua o se faamaoniga maumaututu lea o le pule faataga a tagata o i latou ia na faapea ona faapipiina i ai.

16. Tuuina atu o malosiaga e le Fono-(1) E mafai e le Fono mai lea taimi i lea taimi i se tulaga lautele pe i se tulaga maoti i se tusi e sainia ia le itiiti ifo i le lua (2) sui o le Fono a le Iunivesite ona tuuina atu i le Ofisa Sili tau Pulega po o i se tasi o le aufaigaluega a le iunivesite po o se komiti faatino po o se komiti ua tofia i lalo o le fuaiupu 14 o lenei Tulafono so o se galuega tauave po o malosiaga i lalo o lenei Tulafono (ae vagana ai le malosiaga e tofia ai le Ofisa Sili tau Pulega).

(2) O se tuuina atu o malosiaga e le Fono i lalo o lenei fuaiupu e mafai ona faia i le noatia ma le fai fuafua i so o se faatonuga lautele po o faatonuga faapitoa ua tuuina mai po o tuutuuga ua faatuina mai e le Fono ma le tagata po o le komiti faatino po o le komiti o i latou ia ua tuuina atu i ai ni galuega tauave po o malosiaga o lenei fuaiupu e mafai ona faatinoina na galuega tauave pe faatino na malosiaga i le auala lava e tasi ma taunuuga lava e tasi e faapei ai na faaeeina atu i se ala tuusao e lenei Tulafono i luga o lenei tagata, komiti faatino po o se komiti ae le ala atu i le tuuina atu o malosiaga.

(3) O se tuuina atu o malosiaga i lalo o lenei fuaiupu e mafai ona soloia i le loto i ai ma, seia vagana ua soloia i se tusitusiga i le le itiiti ifo i le toalua sui o le Fono, o le a faaauau pea lona faamamaluina e tusa ai ma lona uiga lautele.

17. Tulafono-(1) E mafai e le Fono ona faia tulafono e ogatasi ma lenei Tulafono i luga o so o se mataupu ua taua e faapea -

- (a) O le lelei pulea ma tulaga tau i amio pulea a le Iunivesite;
- (b) O le faaeeina atu e po o le avea ai ma sui o le Fono, o faasalaga i luga o le aufaigaluega po o tagata aoga a le Iunivesite mo le faalavelavea o po o le le usitaia o se tulafono e tusa ai i se mataupu e pei ona faasinomia i ai le parakalafa (a) o lenei fuaiupu;

- (c) O le faaulufaleina o tagata i so o se mataupu o aoga po o aoaoga a le iunivesite;
 - (d) Faamaoniga ma le faatonutonuina o mataupu o aoga ma aoaoga a le iunivesite;
 - (e) O le faatonu o tikeri, tipiloma, faailoga ma isi tusi faamaonia o tulaga taualoa e faapea e faaono mafai ona tuuina atu e le Fono ma manaoga e ao ona faamalieina ao le i faaeeina atu ia tikeri, tipiloma, faailoga ma so o se isi tusi faamaonia o tulaga taualoa;
 - (f) O le tuuina atu e le Fono o felosipi, sikolasipi, faailoga tau tupe ma togi;
 - (g) O le tuuina atu o supaaneueta po o faamanuiaga tau litaea mo po o e tusa ai o, le Ofisa Sili tau Pulega po o le afaigaluega a le iunivesite; ma
 - (h) So o se isi mataupu e manaomia pe faatagaina e lenei Tulafono e ao ona aiaia ini tulafono.
- (2) Afai e faia e le Fono se tulafono i lalo o le faafuaiupu (1)(b) o lenei fuaiupu e aiaia ai mo le tuuina atu o faasalaga i luga o le afaigaluega po o tagata aoga o lea aiaia e le tulafono mo le Fono po o se tagata, komiti faatino po o komiti, pe afai lava e talosagaina e se sui o le afaigaluega po o se tagata aoga i luga o i latou ia ua tuuina atu i ai se faasalaga e toe tagai totoa i ai po o le faatulagaina mo le toe tagai totoa i ai o, i le tele o le faasalaga, o le tuuina atu o le faasalaga po o tulaga uma e lua.

VAEGA IV

TUSI TOMUA

18. Tusi Tomua mo le Iunivesite-(1) E tatau ona mautinoa e le Fono ua i ai se tusi tomua tusia a le Iunivesite, e faamaoti ai sini ma faamoemoega mo le Iunivesite mo vaitaimi tai lima tausaga.

(2) O tiute tauave o le Fono le -

- (a) Saunia ma faamautu se tusi tomua mo le Iunivesite i se taimi vave e mafai ai ina ua maea lana uluai fonotaga; ma

- (b) Afai e foliga mai i so o se taimi ua manaomia e le Fono le toe teuteu o le tusi tomua o le Iunivesite, e mafai e le Fono ona saunia ma faamaonia ia teuteuga.

19. Manaoga mo le Tusi Tomua-(1) E tatau ona faamaoti mai i le Tusi Tomua sini ma faamoemoega mo le Iunivesite ma e tatau ona aofia ai se faamatalaga e faatatau i -

- (a) Tulaga o aoaoga faafomai ma le tausiga o le soifua maloloina e ao ona ausia i le Iunivesite; ma
(b) Tulafono laiti ma faavae taiala o amioga pulea po o pulega ia mulimulitaia i le pulea o mataupu tau i le Iunivesite.

(2) E mafai e le Fono ona tuu i totonu o le tusi tomua e faaopoopo atu i mataupu ua taua i luga nisi auiliiliga e faasino i le Iunivesite.

20. Ia avanoa le Tusi Tomua mo le suesueina – E tatau i le Fono ona mautinoa o lo o avanoa i le ofisa o le Fono se ata o le Tusi Tomua o le Iunivesite i so o se tagata e aunoa ma se tau ma e tatau ona auina atu se ata o le Tusi Tomua ma so o se teuteuga e mulimuli mai ai i le Palemia.

VAEGA V FAAMATALAGA TAU TUPE

21. Teugatupe i Faletupe-(1) E mafai e le Fono ona faatuina, tausia ma faagaioia se teugatupe i le igoa o le Iunivesite i so o se faletupe faamauina.

(2) I se taimi vave e mafai ai pe a tuanai le mauaina o so o se tupe, e tatau loa i le Fono ona totoigiina ia tupe i se teugatupe po o nisi teugatupe a le Iunivesite.

(3) E tatau i le Fono ona aloaia lelei le faatagaina o le talaina i tua o tupe uma ma tupe totoigi mai so o se teugatupe i faletupe a le Iunivesite.

22. Ia tausia faamatalaga tatau o tupe– O le Fono -

- (a) E tatau ona taulamua i le tausia o faamatalaga tau tupe ma faamaumauga o feuiaiga faapisinisi ma mataupu tau le Iunivesite; ma
- (b) E tatau ona faia mea uma talafeagai ina ia mautinoa ai o lo o lelei le lava pulea ma le tausia o ana meatotino, po o i lalo o le puipuiga malu a le Iunivesite ma i luga o le faatupulaia o noataga e le Iunivesite; ma
- (c) E tatau ona mautinoa ua sueina faasuetusi faamatalaga tau tupe uma ma faamatalaga o tupe maua ma tupe faaalu e se suetusi agavaa e tofia e le Fono.

23. Lipoti Faaletausaga - I se taimi vave e mafai ai pe a maea tausaga faaleaoaoga taitasi, e tatau i le Fono ona faia se faaiuga i se lipoti i le faatinoga o galuega a le Iunivesite a o faagasolo lena tausaga.

(2) E tatau i le Fono ona aofia i totonu o lipoti uma faaletausaga le faamatalaga o tupe maua ma tupe faaalu ua saunia e le Fono, e tusa ai ma faiga masani faatausitusi ua taliaina faatasi ma lipoti tau tupe e faatatau i lea tausaga faaleaoaoga o lo o faasino i ai le lipoti, faatasi ma le lipoti ua maea ona sueina faasuetusi ma faamatalaga tau le pulega e faasino i na faamatalaga o tupe maua ma tupe faaalu.

24. Ia avanoa le lipoti faaletausaga mo le suesueina – E tatau ona mautinoa e le Fono o lo o avanoa ni ata o lana lipoti faaletausaga i le ofisa o le Fono mo le suesueina e so o se tagata e aunoa ma se tau a o faagasolo itula faigaluega masani.